



MAJLIS PENGETUA SEKOLAH MALAYSIA
NEGERI SELANGOR

PENILAIAN INTERVENSI TERBILANG AKADEMIK SELANGOR (PINTAS) 2026
BAHASA MELAYU TINGKATAN 5

Kertas 1

2 jam

1103/1

JANGAN BUKA KERTAS PEPERIKSAAN INI SEHINGGA DIBERITAHU

1. *Kertas peperiksaan ini mengandungi dua bahagian: Bahagian A dan Bahagian B.*
2. *Jawapan hendaklah ditulis di dalam kertas jawapan yang disediakan.*
3. *Jawapan boleh ditulis dalam tulisan Rumi atau Jawi.*
4. **Kertas jawapan** *hendaklah diserahkan kepada pengawas peperiksaan pada akhir peperiksaan.*

Kertas peperiksaan ini mengandungi 4 halaman bercetak.

**Bahagian A****[30 markah]***Soalan ini mesti dijawab.*

Petikan dan grafik di bawah menunjukkan maklumat berkaitan dengan program RIMUP dalam kalangan murid berbilang kaum di sekolah.

Berdasarkan maklumat tersebut, huraikan pendapat anda tentang program RIMUP dalam kalangan murid berbilang kaum di sekolah.

Panjangnya huraian anda hendaklah antara 150 hingga 200 patah perkataan.

Program Rancangan Integrasi Murid untuk Perpaduan (RIMUP) menjadi bukti komitmen Kementerian Pendidikan Malaysia (KPM) untuk memupuk perpaduan dalam kalangan murid berbilang kaum. Timbalan Menteri Pelancongan, Industri Kreatif dan Seni Persembahan Sarawak, Datuk Sebastian Ting mengingatkan bahawa semua pihak harus bertanggungjawab untuk memastikan nilai-nilai perpaduan diterapkan sejak usia muda bermula dari sekolah lagi melalui pelbagai aktiviti yang dirancang dalam program ini.

Sumber: www.utusanborneo.com



Bahagian B*[70 markah]*

Bahagian ini mengandungi empat soalan. Jawab satu soalan.

Tulis sebuah karangan yang panjangnya antara 350 hingga 500 patah perkataan.

1

Arca awam ialah karya seni yang memperlihatkan kreativiti pengarca dalam penghasilan bentuk unik. Arca Tugu Negara di ibu kota Kuala Lumpur, tiga arca kucing di bandar raya Kuching, dan arca ikan todak di bandar raya Kota Kinabalu merupakan sebahagian daripada landskap bandar yang terus dipamerkan sebagai karya seni dengan nilai estetika yang wajar dihargai.

Sumber: Risalah Pelancongan *Art in The City*

Sebagai respons kepada petikan di atas, huraikan usaha-usaha untuk memelihara seni tersebut.

2

Dalam belanjawan 2023, kerajaan telah memperuntukkan sebanyak RM250 juta untuk mempromosikan Malaysia sebagai destinasi pelancongan. Hal ini dikatakan demikian kerana industri pelancongan merupakan antara sektor utama yang menyumbang kepada ekonomi negara. Tidak dinafikan bahawa Malaysia kaya dengan warisan sejarah dan keindahan alam semula jadi. Malaysia juga terkenal sebagai syurga beli-belah yang popular dalam kalangan pelancong dari seluruh dunia.

Sumber: www.bernama.com

Berdasarkan petikan di atas, huraikan keistimewaan-keistimewaan tersebut.



SERTAI TELEGRAM @exercise_students

3

Penggunaan bahasa kebangsaan dalam urusan rasmi, pendidikan dan komunikasi harian dapat memupuk perpaduan dalam kalangan masyarakat pelbagai kaum. Bahasa ini sentiasa digunakan secara meluas dan terus diutamakan dalam pelbagai bidang. Sehubungan dengan itu, setiap rakyat Malaysia tanpa mengira kaum, agama dan kepercayaan perlu menggalas tanggungjawab untuk memartabatkan bahasa Melayu di Malaysia dan pada peringkat antarabangsa.

Sumber: www.jendeladbpdewanbudaya.com

Huraikan kepentingan yang dinyatakan dalam petikan berserta kepentingan-kepentingan lain penggunaan bahasa tersebut.

4

Vandalisme ialah tabiat seseorang membinasakan harta benda awam. Sebarang perbuatan seperti menconteng, mengotorkan atau merosakkan harta benda awam dianggap sebagai vandalisme. Gejala vandalisme ini turut berlaku di sekolah kerana murid menganggap tabiat ini sebagai satu cara untuk melepaskan geram kepada orang lain. Tabiat buruk ini turut menjadi masalah utama yang dihadapi oleh pihak sekolah.

Sumber: www.lamintang.org

Selain punca yang dinyatakan dalam petikan di atas, huraikan punca-punca lain berlakunya tabiat tersebut.

KERTAS PEPERIKSAAN TAMAT